



МЕСЯЦА НОЯБРЯ В 10-Й ДЕНЬ

Святых апостол Ераста, Олимпа, Родиона,
Сосипатра, Куарта (Кварты) и Тертия

На Господи, воззвах: стихиры, глас 1.

Подобен: Всехвальнии мученицы:

Ибра исполнения, яко орли крилатии, / пресветло переходяще, священнопроповедницы, / уловленыя от злодея привлечёсте к вере непорочней. / Тем молитесь даровати душам нашим / мир и велию милость.

Тертия и Сосипатра гласы священными почтим, / и Олимпа, и Родиона, / и с сими Ераста священнотайника, / и Божественнаго Куарта, / славящия Христа Бога нашего / и молящия Его даровати душам нашим / мир и велию милость.

Языки приведёсте Христу Богу, блаженнии, / избавлены Кривою Благоволившаго на земли родитися / и Крест и смерть претерпевшаго волею, всеумдрии. / Егже ныне молитесь / даровати душам нашим / мир и велию милость.

Слава, и ныне, Богородичен:

Всепетая Владычице, / надежде верных и утверждение, / прибежище и помощь, / Тя молим: от всякия беды рабы Твоя сохрани, / верою поклоняющияся Рождеству Твоему. / Егже моли даровати душам нашим / мир и велию милость.

Крестобогородичен:

Своего Агнца Агница и непорочная Владычица / на Кресте яко видевши, / вида не имуща, ниже доброты, / увы Мне, рыдаючи, глаго-

лаше: / где доброта Твоя зайдет, Сладчайший? / Где благолепие? / Где благодать блистающая образа Твоего, / Сыне Мой любезнейший?

Тропарь, глас 3:

Апостоли святїи, / молитє милостиваго Бѣга, / да прегрешенїи оставленїе / подаст душам нашим.

НА УТРЕНИ

Оба канѡна Октоиха и святых на 4, егоже краегранесїе: Богоглаголивья ученики пою спротяженно. Иосиф. Глас 1.

Песнь 1

Ирмос: Твоя победительная десница / Боголепно в крепости прославися, / та бо, Безсмертне, / яко всемогущая, противныя сотре, / израильтяном путь глубины новосодѣлавшая.

Божественни суще ученицы воплощагося за милосердие Бога нашего, / Того молитє грехов даровати прощение / совершающим вашу память, блаженнии.

Зерцала Божия световидная / вместительна Того подающий явитесь, блаженнии, / всем верным благодательно дающе спасительныя зарї, Боговидцы апостоли.

Воссияша всем просвещение, озарений источник почерпше, / Ераст, и Тертий, и Олимп, и Родион, / и Сосипатр купно с Куартом, / яже благочестно ублажим.

Богородичен: Род человеческий Твоим Рождеством, Дево, обновила еси, / Слово бо родила еси Отчее, / в плоть мертвенную одевшееся / и безсмертия пути нам показавшее.

Песнь 3

Ирмос: Еди́не, ведый человеческого существа немощь / и милостивно в не вообразяся, / препояши мя с высоты силою, / еже вопити Тебе, Святый: / одушевленный храме неизреченныя славы Твоея, Человеколюбче.

Слово, яко светильник мысленный, приносяще, апостоли, / Богопокорно всю тварь проидосте, /

тоя мрак разгоняюще и сыны являюще света
 благодатию, / ноши невѣдения работающия.

Глагол ваших пророчески во всю изыде вселенную
 вещание спасительное / и дел светлое показание
 всю землю обтече, / души просвещающее,
 Богоглаголивии Господни апостоли.

Всѣлся в душах ваших, мудрии, Дух
 Всесвятый / Боговидны весьма содела; / всюду мир
 обходяще, храмы разористе идольския
 благодатию / и Богу церкви воздвигосте.

Богородичен: Сына Отца единороднаго, безматерня
 первее / и из Тебе рожденна, уведевше
 безотца, / Божию Матерь исповедаем Тя, безстрашно
 рождшую / и Деву пребывшу паче слова,
 Маріе Богоневесто.

Кондак, глас 4.

Подобен: Явился еси:

Явился днесь апостол честное торжество, / подающее
 яве* всем прегрешений оставление, / совершающим их
 память.

Таже седален, глас 1.

Подобен: Гроб Твой:

Ераста и Олимп, Сосипатра и Тертія, / Родиона
 купно и Куарта память согласно почтим, к ним
 воспевающе: / Божественнии проповедателие и
 слуги Слова, / души наша вечнующия муки молитвами
 вашими избавите.

Слава, и ныне, Богородичен:

Безневѣстная, Чистая Богородице Дѣво, / едина
 верных Предстательнице и Покрове, / бед, и скорбей,
 и лютых обстояний вся избави, / на Тя упование,
 Отроковице, имущия, / и души наша спаси
 Божественными молитвами Твоими.

Крестобогородичен:

Нескверная Агница Агнца и Пастыря, повешена
 на Древе, мертва зрящи, / плачущи, вещаше,
 матерски восклицаящи: / како претерплю Твое,
 еже паче слова, Сыне Мой, снтие** / и вольныя
 страсти, Боже Преблагий?

* яве — истинно

** снтие — сошествие

Песнь 4

Ирмос: *Гору, Тя, благодатию Божиею приосененную, / прозорливима Аввакум усмотрив очима, / из Тебе изыти Израилеву провозглашаше Святому / во спасение наше и обновление.*

Утверждения древле неутвержденным бывше, / раскопасте вашими Богоданными учении вражия твердыни всеразныя / и заустению предасте, Боговиднии Спасовы апостоли.

Вельми Христова величия проповедающе, умалении всеконечно, великопроповедницы, / земныя вельми просветисте светло, / величием благодати совершивше, Божественнии апостоли.

Да похвалится Божественный Олимп песнопеньми, / и Родион с ним да возвеличится благочестно, / течение совершивше мучения с Петром Богопроповедником в Риме, / главами отсекаеми.

Богородичен: Чудес больше всех, Всенепорочная, / в Тебе новосодевшееся чудо показася явственно: / Бога бо родила еси телесне, / земным за милосердие соединившася в неслитнем соединении, Богоневесто.

Песнь 5

Ирмос: *Просветивый сиянием пришествия Твоего, Христе, / и осветивый Крестом Твоим мира концы, / сердца просвети светом Твоего Богоразумия / православно поющих Тя.*

Мудрость Отча, все осуществовавшая, учителя в мир вас посла, / в мудрости Духа и истины / явлением вся умудряющия, славнии.

Слова вметающе, всемудрии, удицу, / возвлекосте из глубины неведения благодатию рыб, сущия безгласншия, / и Господу веровавшия приведосте.

Восхвалим Олимпа, и великаго Родиона, / и Тертая, и Сосипатра, / купно и Ераста, и Божественнаго Куарта, / Христопроповедники и всех благочестивых защитники.

Богородичен: Зачала еси словом Слово, Всенепорочная, / и родила еси паче ума и слова, Богоневестная, бывша, Богородице, Человека. / Тем Тя словеси Богодуховенными всегда ублажаем.

Песнь 6

Ирмос: Обиде нас последняя бездна, / несть избавляяй, / вменихомся, яко овцы заколения, / спаси люди Твоя, Боже наш: / Ты бо крепость немощствующих и исправление.

Пречестнии, яко камение, валяющиеся на земли, / привалисте к благочестию, иже нравом лукавым камению нечувственному служащия, / Боговиднии Слова тайницы блаженнейшии.

Единицу в Трех Лицах неразлучну, неслитну проповедающе, / многобожную от земли разористе леть, нелестнии Христовы апостоли, / и лоте прельщенные к свету Богознания настаviste.

Разумы красными несмыслство немудрых, премудрии апостоли, разористе, / и утвердисте Богу, Всецарю единому, веровати, / тварь всю Божественными светолитии украшающему.

Богородичен: Яко иное небо, первого, Владычице, явльшиися вышнее, Тя славим, / Солнце нам Правды возсиявшее / и глубокую неведения тьму отгнавшее.

Кондак, глас 2.

Подобен: Вышних ищя:

Божественным светом ум озаривше, / витийская плетения мудре разористе, / и языки вся уловивше, апостоли славии, / Владыце приведосте, / Троицу Божественную славити научающе.

Икос:

Яко ученицы всех Владыки, / мрежею, Боговидцы, ваших молитв / из глубины прегрешений извлеките смиренную душу мою, / сетми уловленную демонских козней, / да добре прешед прочее время живота моего, / пою вас любовью / и прославлю житие ваше непорочное, / еже на земли совершисте, / лоте омраченныя просветивше, / Троицу Божественную славити научающе.

Песнь 7

Ирмос: Тебе, умную, Богородице, пещь / разсмотрим, вернии, / якоже бо отроки спасе три Превозносимый, / мир обнови во чреве Твоем всецел, / хвальный отец Бог и препрославлен.

Тя, свящѣнна иконѡма, Ерасте, / Цѣркве Христовы сущія во Иерусалиме, пиша проповѣдаше Пáвел апѡстол, / с нимиже ты почитаем, поюще Христу: / хвальный отцев наших Бóже, благословѣн еси.

Терпением искушений, и скорбей, и гонений искусився / и язвами Христовыми удобряемъ, Ерасте пребогáте, велегласно зывал еси: / хвальный отцев Бóже, благословѣн еси.

Закѡна нѡваго явился еси, Куарте, возвеститель, / вѣтхаго беззаконія отводя чуждеудренныя / и к возновленію жízни преводя зовущія: / хвальный отцев Бóже, благословѣн еси.

Богорóдичен: Отчее Слово Соприсносущное, явльшееся земным, воплотила еси / и телом, Отроковице, породила еси Человека бывша, да спасет человека, / хвальный отцев Бог и препрославлен.

Песнь 8

Ирмос: В пещи отроцы Израилевы, / якоже в горниле, / добротою благочестія чистее злата блестяхуся, глаголюще: / благословите вся дела Господня Гóспода, / пойте и превозносите во вся вѣки.

Нерастерзни столпи Христовы явльшеся Цѣркве, / разористе злочестія стѣны вся, / верныя же, яко камение, наздавше на Камени веры, вопиющія: / вся дела Господя пойте и превозносите Его во вѣки.

Законоположницы явистесь вы, / Духа закон написующе в сердцах верных, всеблаженнии, / имже просвещаемы, вопияху: / вся дела Гóспода пойте и превозносите Его во вѣки.

Украшився, блаженный Олимпе, в онъже день Петр великий конѣц прият, / яве скончався купно с Родионом мечем, / повелѣнием Нерона, беззаконнаго царя, / и совокупистесь небесным ликом.

Богорóдичен: Стáмна дрѣвле, имущая манну, Чистая, образоваше Тя, / Христа бо, сладость нашу, носила еси во чреве / и плотию родила еси, избавляющаго всякия горести безмѣстных прегрѣшений / превозносящія Того во вѣки.

Песнь 9

Ирмос: *Образ чистаго рождества Твоего / огнепалимая купина показá неопáльная, / и ныне на нас напастей свирéпеющую угасíti, моли́мся, пещь, / да Тя, Богородице, непрестáнно велича́ем.*

Рáвно течéние соверши́вше, рáвно от Влады́ки Слóва обогáщшеся, / рáвных Духа дарóв сподóбистеся и пóчестей рáвных получíte, / апóстоли Госпóдни, просветíteлие серде́ц нáших.

Якоже небéсныя звéзды, Богозна́меньми всю зéмлю просветíte, / тьму́ глубóкую невéдения отгна́вше и сы́ны дне показáвше, / дрéвле порабо́щенныя козньми́ враждéбника.

Полк злоумных погубíte, / во глубинú дрéвле вринувших язы́ки людéй, / мнóжество же Бóгу приведóсте спаса́емых, / чинóм совокупля́еми не-вещéственных сил, всеизбрáннии Христóвы апóстоли.

Вшéдше к премíрным, Олимп вели́кий и Сосипáтр, / Тэ́ртий кúпно и Родион, и Куáрт, и Ера́ст священнейший / и ныне о мíре Избáвителя мо́лят.

Богородичен: *Пощади́ лóди Твоя́, Гóсподи, / нахождéния вáрварскаго нас избавля́я, и грехóв, и напастей, и му́ки вéчныя / молитвами Рóждшия Тя Дéвы Пречíстыя и слáвных апóстол Твои́х.*

Свети́лен.

Подóбен: Не́бо звездáми:

Свётлая приятелища Духа Свята́го, / пресвётлыя зарí невечёрняго дне, / светодáтельная мо́лния, апóстолы, в пёснех вёрно прослáвим вси.

Богородичен: *Тя Застúпницу вси ймамы, грéшнии, о Пресвятáя Дéво! / Ты благоувéтлива нам соде́лай Сы́на Твоего́ / ма́терними Твоими́ мо́льба́ми.*

Святые апостолы от 70-ти: Ераст, Олимп, Родион, Сосипатр, Куарт (Кварт) и Тертый жили в I веке.

Святой Родион, или Иродион, родственник апостола Павла (Рим. 16, 11), оставил епископскую кафедру в Патрах, чтобы идти в Рим со

святым апостолом Петром. Святой апостол Олимп (или Олимпан), о котором вспоминает апостол Павел (Рим. 16, 15), тоже был спутником апостола Петра. Оба апостола от 70-ти были обезглавлены в тот же день и час, когда распяли апостола Петра.

Святые апостолы Ераст, Сосипатр, Куарт и Тертый были учениками святого апостола Павла. О них апостол языков упоминает в Послании к Римлянам: «Приветствуют вас... Иасон и Сосипатр, сродники мои» (Рим. 16, 21); «Приветствую вас в Господе и я, Тертый, писавший сие послание» (Рим. 16, 22); «Приветствует вас Ераст, городской казначани- тель, и брат Кварт» (Рим. 16, 23).

Апостол Сосипатр, родом из Ахаии, был епископом Иконии, где и скончался. Апостол Ераст был сначала диаконом и казначани- телем

Иерусалимской Церкви, а потом епископом в Панаеде. Святой апостол Куарт перенес много страданий за свое благочестие, обратился ко Христу множество язычников и мирно скончался в сане епископа города Берита. Святой апостол Тертый, записавший послание апостола Павла к Римлянам, был вторым епископом Иконии, где и преставился. Память всех семидесяти святых апостолов совершается 4-го января, а их имена именуются в списке святого Дорофея, епископа Тирского, †361.

В
ТОЙЖЕ
ДЕНЬ



Святáго мýченика Орéста врачá

На Господи, воззвах: стихиры, глас 1.

Подобен: Прехвáльнии мýченицы:



Орéсте преслáвне, очервлéнием своeй крóве / себé прапруду* очерви, / ёюже украси́ся, побéдным венцём венчáся, / Бóгу Безсмéртному предстои́ши, / Егóже ны́не моли́ / даровáти душáм нáшим вéлию мýлость.

Огнём пóдвиг твои́х, премýдре, / прелесть по- жéгл еси, / кáплями крóвными вра́жия пото́пи полки́ вся / и вёрных напои́ сердца́, / источáюще концём благочéстие, / и ны́не помолí даровáти душáм нáшим вéлию мýлость.

У́тренюя возсия́, возблиста́я всю вселéнную / страстьми́ свои́ми, Орéсте слáвне, / стратотёр- щем сла́ва, / и сýетную тьму́ отгоня́ благода́тию. / Тем моли́ся даровáти душáм нáшим вéлию мýлость.

Тропарь, глас 4.

Подобен: Вознесýйся:

Удóм усекновéние терпéл еси / и óгненную лóтую мýку, мýчениче, / подвигся́, всеслáвне, / венцём я́ве увязéся нетлénным, преблажénне, / Престóлу же предстои́ши Святýя Трóицы, / Ю́же

* прапруду — багряницу, драгоценную ткань, царскую одежду

помоли, да спасёт ны, / мучениче Оресте, / верою поющим тя.

Канон, глас 2.

Песнь 1

Ирмос: *Грядите, людие, / поим песнь Христу Богу, / раздэльшему море и настáвльшему люди, / яже изведé из работы Египетския, / яко прослáви-ся.*

Божественными блистаем всегда светлостью, прехвальне, / светонóсное твоё прáзднество чту́щая озари / и из тьмы лю́тыя изведи́.

Христо́ва Божественная любви разжже́ и си́льна ты сотвори́, / всю пожжёную опаляюща та́йну идо́льскаго гнёва, / мучениче вседóблий.

Тщáнием и терпéнием обличи́ беззакóнствующая, / чести́ нудяща * ты, страстотёрпче Оресте, / дела́ рук челове́ческ — безду́шныя куми́ры.

Богородичен: *Тя, Божий пречистый храм, молю́, Пречистая, / осквёрншееся мое сердце сластьми́ нечистыми очисти́ ходата́йством Своим.*

Песнь 3

Ирмос: *На камени мя веры утвердив, / расширил еси уста́ моя на враги́ моя, / возвесели́бося дух мой внегда́ пети: / несть свят, я́коже Бог наш, / и несть праведен, па́че Тебе́, Го́споди.*

Укрепляем си́лою Паракли́товою, / предстоя́ше судя́щему беззакóнно, / и сего́ словес своих си́лою, преблаже́нне, посрами́ / и, поя́, глаго́лаше: / несть свята́, я́коже Бо́га нашего, и несть праведна, па́че Тебе́, Го́споди.

Сло́во твоё, жити́ем просвещéно, / жити́е твоё, Сло́вом разжже́но, / мно́гия на свет благоче́стия приведе́, мучениче многостра́стне, / и с ними поёши: / несть свята́, я́коже Бог наш, и несть праведна, па́че Тебе́, Го́споди.

Возвы́сима беззакóнна безумием низверже́ мужеством и терпéнием, / вознесе́ же ся к Бо́гу венце́носец, Оресте сла́вне, поя́ше: / несть свята́, я́коже Бог наш, и несть праведна, па́че Тебе́, Го́споди.

* нудити — неволить, принуждать

Богородичен: Зачала еси во утробе Своей, Богомати, Зиждителя и Бога всех / и Сего родила еси, паче слова плоть бывша, / сего ради Ти зываем: / несть свята, якоже Бог наш, и несть праведна, паче Тебе, Господи.

Седален, глас 4, тойже, что и тропарь (зри страницы 280—281)

Песнь 4

Ирмос: Пришел еси от Девы, не ходатай, ни Ангел, / но Сам, Господи, воплощся, / и спас еси всего мя человека. / Тем зову Ти: слава силе Твоей, Господи.

Не поколебаша столпы души твоея, сткнешся, потоци мученичестии, / мучениче Оресте блаженне, / на камене бо утвержен бысть Господня любве, достославне.

Глагол твоих возрети света томитель не возможе, / в ноци шествуя неразумия, / тем, ранствуя, ты сына света дне сотворил еси.

Укрепи ты Иисус Бог благодатию, / муками оскорбляема, и ранами разрушаема, / и пропинаема немилостивно, страстотерпче пресловущий.

Богородичен: Тя, Пречистая, Аввакум гору нарече осенену, / из неяже пройде Едино Слово, воплощся, / Человек быв премногим милосердием и Человеколюбец.

Песнь 5

Ирмос: Просвещение во тме лежащих, / спасение отчаянных, Христэ, Спасе мой, / к Тебе утренюю, Царю мира, / просвети мя сиянием Твоим: / иного бо, разве Тебе, бога не знаю.

Жезлом сокрушаемо блаженное все тело твоё, / яко силен, терпел еси, показуя, Оресте, веру, / являясь, зываше, Оресте, славне: / паче Тебе, иного бога не знаем.

Погибели боги еллинския предал еси / святыми твоими молитвами к Творцу, Оресте, / раны претерпел еси, зело разсекаем, / плоти твоея коже отдираеме.

Едину Зарю Трипостасну сущу, / Едино Существо и Едино Господство возвещая Пребожествен-

ныя и Несозданныя Троицы, / лжеименныя боги сокруши, / идольская трéбища низложил еси.

Богородичен: Восток Солнечныя славы явльшися, Отроковице, / на запад человеческого отриновена существа бывша, / Сего раждаеши, вся просвещающаго, / вся от ноци злы изъёмлющаго.

Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Бóже, мя возведи.

Кроплением честныя твоея крове вода скверная преста, / бесом умовредно приносима, / страсготерпче Христов доблий.

Душам и телом врачá ты, мучениче, обрétше, / от страстей избавляемся, и от искушения, и скорби / благоприятными Божественными молитвами.

Свьше истканую благодать с одением телесе одéжду восприим, / обнажил еси злочестивых полки, пребогáте.

Богородичен: Милости Твоея мя сподоби, немилостиваго, / и злобием одержима, и страстем прилежаща, / Пречистая Дéво Богоневестная.

Песнь 7

Ирмос: Образу златому, на поле Деире служиму, / триé Твой отроцы небрегоша безбожнаго веления, / посреде же огня ввержени, орошаеми, пояху: / благословен еси, Бóже отец наших.

Крóвными каплями безбожный огонь угасил еси, / тучами дивными, достославне, иссохшая страстемй всегда прохлаждаеши, / вопиющая верно, взывающа: / благословен еси, Бóже отец наших.

Чúдом глубина, цельбам река, / крин, изливая всем здравие, всем оставление от скверных, / является, мучениче страсготерпче Оресте, рака твоих мощей, / ейже поклоняющеса благочестивно, ты блажим.

Разрешився от страстей телесных, премудре, / муки ради к скотине привязан бысть, и ведом, и сурово влеком. / Тем от тела разрешися / и Бóгови чистее и конечное себе, мучениче, приказал еси.

Богородичен: Естеством Бог и естество прият из Тебѣ, Чистая, человѣческо / и плоть явися паче ума мно́гою благостынею, / спасти восхотѣв челове́ки. / Егѡ же поюще, взываем: / благословѣн еси, Бѡже отецъ нашихъ.

Песнь 8

Ирмос: В пещь огненную ко отрокомъ еврейскимъ снизшедшаго / и пламень в рѡсу прелѡжшаго Бѡга / пойте дела яко Гѡспода / и превозносите во вся вѣки.

Паче временныя жизни вѣчную, премудре, возлюбив, / умирающая, Оресте, истлеющая плоти никакоже не пощадѣ, блаженне, / тем муки претерпѣл еси дѡбле.

Тя, агнца Христова, яко волкъ злый, растерзая ранами, гонитель / жертву приятну святую, Божественное сотвори заколение, / достойно Вышний Владычии трапѣзе.

Колесница Слово бысть сидящему, преблаженне. / Тем привязан конемъ ведениемъ лѡтым, / течениемъ же нужднымъ издше / и к нестарѣющемуся пути варися* с радостию.

Богородичен: Святими Тя гласы провозвестиша Бѡжию честнии пророци сущу Матерь / страннолѣпотнымъ рождествомъ всехъ тварей Владущему. / Тем же Тя поемъ, Пречистая Девомати.

Песнь 9

Ирмос: От Бѡга Бѡга Слова / неизреченною мудростию пришедшаго обновити Адама, / ядию в тлѣние падшаго люте, / от Святыя Дѣвы неизреченно воплотившагося нас ради, / вѣрнии, единомудренно пѣсньми величаемъ.

Победивъ томителя, по многахъ мукахъ прииде к Бѡгу, / с радостию побѣдныи венѣцъ приимъ, / яко оруженникъ дѡблий, яко великий храбор, / избранныи Христовъ воиникъ, Оресте блаженне.

На Небесехъ ликуеши со Ангелы, блаженне, / и глашаеши с ними радостно: / Свят, Свят, Свят Отецъ Вседержитель, / Сынъ, Единосущный Отцу, и Святыи Дух — / Троице Всесильна.

* варися — шел навстречу

**Сра́дуешися с ли́ками А́нгельскими, му́чениче, /
преподо́бных, проро́к и святи́тель, му́чениче, / с
ни́ми моли́ся чту́щим тя любэ́зно дарова́ти очище́-
ние грехо́в / и вся́ких бед, Оре́сте, изба́ви.**

**Богородичен: Я́ко Бо́гу Тя Ма́терь, Херувим
вб́шщу, Пречи́стая Де́во, / молю́, окая́нное се́рдце
мое боле́зненная стра́сти изцели́, / изба́ви мя от
огня́ в Де́нь Су́дный, осужде́ния досто́йнаго.**

Святой мученик Орест жил в конце III века в городе Тиане в Каппадокии во времена императора Диоклитяна (284—305). Он был искусным врачом и с детских лет добрым христианином.

По приказу императора, в Тиану для борьбы с христианством, широко распространившимся в Великой Каппадокии, направлен был военачальник Максимин. В числе первых на суд к Максими́ну был приведен Орест. Он мужественно и открыто исповедал свою веру в Распятого и Воскресшего Господа нашего Иисуса Христа. Гонитель предлагал святому богатства, почести и славу, если он отречется от Единого Истинного Бога, но святой Орест был непреклонен. По приказу Максими́на. Ореста привели в богатый языческий храм и вновь предложили поклониться идолам. Когда он отказался, 40 воинов, сменяя друг друга, били святого мученика плетью, палками, воловьими жилами, затем пытали огнем. Святой Орест воззвал ко Господу: «Боже, сотвори со мною знамение во благо, да видят ненавидящие меня и постыдятся». И Господь услышал верного

раба Своего. Началось землетрясение, идолы попадали и разбились. Все бежали из храма; когда оттуда вышел святой Орест, храм рухнул.

Разъяренный Максимин приказал заключить святого мученика на семь дней в темницу и не давать ему ни еды, ни питья, а на восьмой день продолжить мучения. Святому вбили гвозди в пятки, затем привязали к дикому коню. Влачимый по камням, святой мученик отошел ко Господу в 304 году. Мощи его были брошены в море.

Прошло много веков, и в 1685 году в Киево-Печерской Лавре святой инок Димитрий (впоследствии митрополит Ростовский; память 28 октября) переписывал с древней рукописи житие святого Ореста и, утомленный, уснул; ему в сонном видении предстал святой мученик и, показав глубокую рану в груди, перерезанные у локтей жилы и перебитые голени, велел дополнить свое житие, так как в древней рукописи были описаны не все муки, которые претерпел святой. Смиранный инок выполнил желание святого мученика Ореста и восславил Бога, дивного во святых Его.

